



Jumat, 18 Juni 2021

Ogen: Matius 8:23-27



Engkai Maka Kam Mbiar?



Adakalanya Tuhan menenangkan badai, ada kalanya dia membiarkan badai mengamuk dan dia pun menenangkan anda. Sada kata pengajuk gelah kita tetap erpengendes man Tuhan i bas ndalani kegeluhen.

Bas sada wari Jesus ras ajar-ajarna erlayar, rempet rembus angin meter seh maka galumbang reh nderpa perahu e. Mbiar ajar-ajar Jesus ngidah kejadiin e. Emaka iingetina Jesus si snagana tunduh. Tempa Jesus la meteh kai si jadi, tupung tunduh e teridah lit ketenengen. Gelarna Jesus erkuasa, kerina si jadi bas doni enda iangkaNa, ietehNa, la lit sada pe si jadi i bas doni enda la ieteh Jesus. Teneng ia ngidah angin si meter e nderpa kapal si itumpangiNa ras ajar-ajarNa, ateNa pe ngenehen seh i ja ajar-ajar e ernalem baNa, uga respon ajar-ajar ngalaken galumbang e.

Teridah ajar-ajar kerina mbiar, panik, ras eraru ate. Sitik pe la ia teneng ngalaken galumbang e. Lupa ajar-ajar e maka Jesus erkuasa nandangi kerina kuasa-kuasa si lit i doni enda. Kuasa Jesus e ngasup pejeneng angin si meter. Amin pe dungna iingeti ajar-ajar e Jesus, labo arah ketenangen tapi arah kebiaren. Mbiar tanda la erkiniteken. Emaka nina Jesus, "engkai kam mbiar, kurang kal tuhu kinitekenndu?"

Labo ipediat Jesus ajar-ajar ndai i bas kebiaren, ipejenengna angin si meter e seh teneng kerina. Lit paksana, ipediat Tuhan mbelin perbebenta, tapi labo ertina la kita itatapNa. IperdiatekenNa ku ja kita ernalem ibas perbeben si mbelin e. La ipediat Jesus kita lalap ibas kebiaren erkiteken galumbang perbeben si mesangat. Ietehna nge gegeh ras kengasupenta si erbaleng. Saja ate Jesus, kerina min kita ernalem kempak kuasaNa. Alaken perbeben e alu teneng, tek kita maka Jesus ngasup ras pasti nampati. Nina Jesus, "marilah kam si latih ras beraten, aku bahan pengadi-ngadinndu."